



UNIVERSITÄTS-
BIBLIOTHEK
PADERBORN

**Principia Juris Canonici : Ex Libro ... Decretalium Gregorii
IX. Pontificis M / Antehac In Alma & Archi-Episcopali
Benedictina Universitate Salisburgensi**

König, Robert

Salisburgi, 1725

VD18 80460518

10. De supplenda negligentia Prælatorum.

[urn:nbn:de:hbz:466:1-61781](#)

non verò in illis, in quibus superioris auctoritas desideratur, ut in renuntiatione. Pirthing.
b. t. num. 12.

II. Renuntiatio pura legitimè facta, & à Superiore admissa inducit vacationem beneficii resignati, ita ut renuntians in illo omne jus amittat, nec illud repetere possit. cap. 3. & 6. b. t. nisi fortè metu vel dolo inductus renuntiasset, ut supra n. 11. dictum est.

III. Resignans non amplius potest beneficii fructus percipere, cum per renuntiationem canonicus beneficii titulus sit extinctus, sine quo beneficium justè possideri nequit, & consequenter nec fructus percipi. Refert autem Barb. de Officio & potest. Episcop. p. 3. alleg. 117. in Rota decilum esse, quod fructus naturales pendentes, & civiles, quales sunt pensiones ex locatione, usuræ &c. respectu quorum tempore perfectæ resignationis necdum venit dies solutionis, spectent ad Successorem; fructus verò naturales & industriales à solo tunc temporis jam separati debentur resignanti, etiamsi prædicta frugifera essent locata, & dies solutioni præfixus, vendiret primum post resignationem.

IV. Episcopus v. g. qui propter crimen renuntiavit Episcopatu, ad Episcopatum vel eundem, vel alium assumi nequit etiam per novam electionem, aut provisionem. Dixi: *qui propter crimen renuntiavit*: is namque qui ob persecutionem, infirmitatem, defecitum scientiæ, vel aliud impedimentum resignavit, illo impedimento cessante ad Episcopalem dignitatem resurgere potest; quin imò, si quis ob simoniam Episcopatu cesserit, licet tunc saltem immediate ad eundem redire nequeat, ad alium tamen promoveri non prohibetur Text. & DD. in c. 11. h. t.

V. Si Prælatus Regularis renuntiet, illius Monasterii, cui præfuit, religiosus manet, & secundum communem praxim locum priuatum post novum Prælatum in choro & con-

ventu hahet. Secus est, si ob culpam deponatur; tum enim in ordinem redigendus vel quandóque in pœnam ad ultimum locum ponendus est, arg. c. 6. de Statu Monach.

TITULUS X.

De Supplenda negligentia Prælatorum.

SUMMARIA.

1. Quid sit supplenda negligentia Prælatorum?
2. A quo? 3. In quibus? 4. Et quomodo committatur haec negligentia?
5. Qualiter negligentia haec suppleatur?
6. Usque 12. quibus casibus potestas negligentie Prælati ad inferiorem, vel superiorem removendum debolvatur?

§. I.

Per supplendam negligentiam Prælatorum hic intelligitur omissione illius, quod Prælatus ratione officii, potestatis & jurisdictionis sibi commissæ de jure ac consuetudine facere poterat, ac debebat. Colligitur ex c. 1. & 2. dist. 84. c. 45. causâ 2. q. 7.

§. II.

Causa efficiens hujus negligentiae est Prælatus negligens; latè accepto nomine Prælati, ut non tantum Episcopos, sed & Capitula, Abbates, Præpositos, Priors, Archi-Presbyteros, Archi-Diaconos, & reliquos inferiores, usque ad simplicem curatum comprehendat: nam horum omnium negligentia supplenda est: siquidem quilibet per negligentem administrationem Ecclesiæ obesse potest. c. 2. & fin. h. t.

§. III.

Objectum sunt ea, in quibus talis negligentia committitur. Committi autem potest vel in iis, quæ ad jurisdictionem contentiosam spectant, & exercentur inter partes à se invicem dissentientes, proinde in invitum quoque; vel in illis, quæ ad jurisdictionem voluntariam, & inter partes volentes, seu con-

sen-

tentientes exerceri solitam, pertinent. Potissimum tamen hoc sit, agitur de supplenda negligentia commissa in provisione beneficiorum; quæ si sint majora, ut Episcopatus vel Prælatura Regularis, intra trimestre: si verò his sint inferiora, intra semestre a die innocentis vacationis, justo impedimento cessante, providenda sunt, alioquin jus conferendi pro ea vice ad alium devolvitur, & provisio postea facta non tenet, nisi ex misericordia sustineatur. c. 4. b. t. c. 41. de Electione s. 2. & 5. de Concess. præb. Azor. Insti. moral. p. 2. l. 6. c. 27. q. 16. Excipe beneficia regularia, quæ sunt de mensa prælatorum, seu utinde Prælatus, vel Religiosi sustentationem habeant, in his enim non observatur terminus 6 mensium, cum nunquam propriè vaccent: quia Rector principalis est Abbas, & exercens curam animarum tantum Vicarius ad nutum Prælati amovibilis. Clem. un. b. t. Honorius de Prab. p. 4. num. 60.

§. IV.

4. *Forma* hujus negligentiae stat in omissione ejus, quod à Prælato fieri potuit, & debuit. 5. Duo igitur requiruntur posse & debere; quorum alterutro deficiente non datur supplenda negligentia. Barthol. Carthagena b. t. obser. 2. Hinc est, quod tempus trimestre, vel semestre beneficiorum provisioni præfinitum currere non incipiat ante diem vacationis cognitæ. c. 3. b. t. c. 5. de Concess. præb. quoniam qui ignorant Prælaturam, aut beneficium vacare, necessarium impedimentum habent, quò minus a delectionem aut collationem accedant. Laym. in qq. Can. de Pralat. Elec. c. 9. q. 97.

§. V.

- Effectus consistit in commissæ hujusmodi negligentiae suppletione. Suppletur autem vel per adjunctionem idonei coadjutoris. c. 2. b. t. in 6. vel, quod frequentissimum, per susceptionem muneris neglecti: generalis nam-

que regula est, quod potestas & juris dictio Prælatorum inferiorum in illo casu, in quo sunt negligentes, ad proximum Superiorem devolvatur, consequenter ab Abbe vel Capitulo ad Episcopum, ab Episcopo ad Archi-Episcopum, & sic deinceps gradatim usque ad Papam P. Engl. b. t. num. 1.

Sed tamen inficias non iverim, regulam hanc quandoque fallere, & nonnunquam ex peculiari Juris dispositione etiam ad inferiorem, vel ad alium superiorem remotum fieri deviationem. I. Enim si Episcopus Diocesanus, tertio cum humilitate, ac devotione requisitus, sine rationabili causa subditos Abbes benedicere negligat, aut recusat, negligentiam ejus supplet Jus Can. ac effectum benedictionis tribuit, ita ut etiam sine illa possint minores ordines suis Religiosis conferre, pontificalibus uti, ac omnia exercere, quæ alias nonnisi dependenter ab illa benedictione facere possunt. c. 1. & ibi Gonzal. b. t.

II. Si Episcopus negligat intra præfixum tempus conferre beneficia jure proprio (non devoluto) ad suam collationem separatim a Capitulo spectantia, collatio immediatè non devolvitur ad aliquem Superiorem, sed ad ipsum Capitulum propter communionem, quæ in juribus propriis Ecclesiæ est inter Episcopum & Capitulum, ceu Caput & membra ejusdem corporis. c. 2. de Concess. præb. Nisi Episcopus sit exemptus, quo casu ejus negligentiam Papa supplet. c. 3. b. t. In reliquo locum habet adducta generalis regula. Hinc si Capitulum negligentiam commitrat circa collationem sibi separatim ab Episcopo competentem, fiet devolutio ad Episcopum tanquam immediatum Superiorem & in defectu illius ad Archi-Episcopum. d. c. 2. de Concess. præb. si verò collatio conjunctim ad Episcopum & Capitulum pertineat, ob eorum negligentiam devolvitur collatio ad Archi-Episcopum, qui respectu illorum est pro-

proximus superior c. 15. & ibi DD. de Confess. præb.

8 Lubet subjungere, an in Germania propter negligentiam Capitularium, & moram eligendi Episcopum fiat devolutio ad Archi-Episcopum, cui immediate talis Ecclesia cathedralis subjecta est, an verò ad S. Pontificem? Id quod dicendum videtur: quia teste Gloss. in Clem. un. V. dispositionem h.t. Panorm. in c. I. n. 10. de Elect. recepta doctrina est, quod propter negligentiam Capituli, vel mortem omnium de Capitulo jus providendi devolvatur ad eum, qui habet potestatem confirmandi electum: atqui electos Episcopos in Germania non confirmat Archi-Episcopus, sed S. Pontifex juxta concordata Germaniae inter Nicolaum V. Pontificem, & Fridericum III. Imperatorem in Bulla: *ad sacram*. Ergo ista devolutio hodie in Germania non fiet ad Archi-Episcopum, sed ad S. Pontificem. Nec adversatur c. 41. de Elect. id enim exaudendum est de eo tempore, quo Episcopi electi confirmatio Archi-Episcopo permittebatur, sicut permissem fuisse, constat ex c. 32. Eod. Pirrhing. de Elect. num. 250.

9 Porro si Collegio vel Conventui regulari sine Prælato competat jus conferendi aliquod beneficium, eo negligente collationem, succedit Prælatus; si autem Prælato competit, tum Conventus beneficium ab eo neglectum conferre non poterit, sed si Prælatus ille Episcopo subjectus sit, jus conferendi ad ipsum devolvitur. Si verò sit exemptus, tunc vel beneficium etiam est exemptum, & collatio statim & immediate devolvitur ad Papam: c. 32. §. prohibemus. de Præbend. in 6. vel non est exemptum, & hoc casu Episcopus ille, in cuius Dioecesi v. g. Parochia sita est, Apostolica auctoritate providebit, ita tamen, ut quæ consueverunt per sacerdtales administrari, secularibus, quæ per regulares, regularibus conferat. Clem. un. h. t.

KÖNIG IN DECRET. LIB. I.

III. Quotiescumque agitur de peccato publico & scandaloso tollendo Ordinarius desideriam & malitiam delegati Pontificii supplere potest, quatenus necessarium est ad amovendum peccatum. c. 6. & ibi Panormit. de Offic. Ordinarii.

IV. Barbosa de Offic. & potest Episc. p. 3. II alleg. 126. num. 6. Sustinet jurisdictionem contentiosam Episcopi ob causam negligentia circa appellationem non devolvi ad Archi-Episcopum: eò quod careat jurisdictione in subditos suffraganei, præterquam in casibus specialiter expressis, ut insinuet c. I. h. t. in 6. ia illis verbis: *cum id non inveniatur à jure concessum*. Sed contrarium verius videatur: etenim non appareat, quare specialiter in contentiosa jurisdictione Episcopi denegari deberet devolutio ad proximum superiorem, seu Archi-Episcopum, cum tamen generaliter in h. t. permittatur, ut eò facilius & citius Ecclesiæ, & subditis congruum adhibeat medium, quod per remotionem superiorem non tam facile contingeret. Deinde communiter admittitur appellatio ab Episcopo ad Archi-Episcopum, etiam in contentiosis, ergo admittenda quoque erit devolutio ad ipsum propter Episcopi negligentiam, ita nimis, ut absque solennitatibus appellationis per viam simplicis querelæ adiri valeat, vel ex officio negligentiam ejusdem supplere. Neque obstat, quod Archi-Episcopus non habeat jurisdictionem in subditos suffraganei Episcopi? nam id tantum verum est directè & ordinariè, quando scilicet præjudicium fieret suffraganeo officium suum debitò modò implenti. Secùs, si ejus negligentia interveniat per Superiorum supplenda, tunc enim in hoc tit. generaliter licentia & jurisdictione conceditur proximo Superiori. Textus autem in c. I. h. t. in 6. loquitur de culpa & delicto Episcopi atque ex illo negat devolutionem jurisdictionis Episcopalis ad Archi-Episcopum,

M

89

non autem ex negligentia. Imò à sensu contrario videtur concedere ex negligentia devolutionem. Quare verba supra allegata intellegenda sunt, quod devolutio ad Archi-Episcopum tanquam proximum Superiorem ex causa negligentiae, non ita generaliter in aliis, scilicet in culpis, de quibus capitulo loquitur, inventiatur concessa; id est, quod Episcopi propter quascunque culpas non statim debeant jurisdictione privari ab Archi-Episcopo, sed potius alia pena canonica infligi, prout in fine ejusdem capitulo dicitur.

I.2. V. Ab Abbatte exempto ordinariè quidem sit devolutio ad S. Pontificem; non raro tamen etiam ad Episcopum Diocesanum, ita ut negligentiam exempti saltem tanquam Sedis Apostolicæ delegatus supplere valeat, prout videre licet in c. 7. de Officio Ordinarii, c. 8. de Statu Monach. & in Trident. sess. 25. de Regularib. c. 8. & 14. de quibus suo loco sigillatim dicemus.

TITULUS XI.

De Temporibus Ordinationum, & qualitate Ordinandorum.

SUMMARIA.

1. Ordinationis definitio. 2. Et divisio.
3. Prima Tonsura non est Ordo. 4. Episcopatus est Ordo.
5. Ordinatio à Christo instituta est.
6. Minister ordinarius Ordinationis est Episcopus.
7. Extraordinarius etiam simplex Sacerdos.
8. Ut quis validè ordinetur debet esse mas. 9. Baptizatus, 10. Et consentiens.
11. In Sacris ex metu ordinatus non tenetur ad continentiam.
12. Ad licitam Ordinationem in Ordinando requiritur confirmatio. 13. Usurrationis. 14. Legitima alas. 15. Immunitas à peccato & censura. 16. Scientia competens. 17. Assentio for-

biendi Ecclesie. 18. Cœlibatus. 19. Mores probitas ac bona fama. 20. Usque 29. subiectio. 29. 30. Titulus. 31. Et carentia cuiusque irregularitatis.

32. Quae sit Ordinationis materia, 33. Et an physica contatione ejusdem sit de necessitate Sacramenti?
34. Quae Ordinationis forma?
35. Ordines debito loco, 36. Usque 40. debito tempore. 40. Et gradatim conferendi sunt.
41. Finis, 42. 43. Et effectus ordinationis.

Quia ad manus Prælatorum, maximè Episcoporum, pertinet Clericorum Ordinatio, idèò de hac in isto & seqq. titulis agitur.

§. I.

Desinuitur autem Ordinatio, quod sit sacra ceremonia, quæ alicui traditur spiritualis habilis potestas consecrandi Eucharistiam, ut ad eum finem ministrandi.

§. II.

Dividitur Ordinatio in Minorem & Majorem. Minor est, quæ minores Ordines continet; Major, quæ Majores: his sacri, illi non sacri dicuntur, non quidem ex eo, quia non quivis Ordo sit Sacramentum, contraria Trid. quod in Sess. 23. de Sacram. Ord. can., generaliter definit, Ordinem esse Sacramentum; sed quia Ordines majores maiorem sanctitatem præferunt, & propius accidunt ad consecrationem Corporis Christi, votumque castitatis ex Ecclesiæ institutione annexum habent.

Minorum Ordinum sunt quatuor; scilicet Ostiarius, Lectoratus, Exorcistatus, & Acolythus. Fagnanus in c. cum contingat, n. 45 de Etate, & qual. cum pluribus ibidem laddatis addit primam Tonsuram, per Text. d. 1. cum contingat. Sed verior & communior Theologorum sententia est, primam Tonsuram non esse Ordinem, sed, ut D. Thom. inquit, quoddam præambulum Ordinis: cum per illam nulla potestas spiritualis alicui functionis vel Ministerii in Ecclesia circa Eucharistiam tribuatur, sed Laicus solum affi-